

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 18. maí 2005.

F. h. r.

Hjalti Zóphóníasson.

Bryndís Helgadóttir.

REGLUR

um breytingu (23) á reglum nr. 458/2000, fyrir Háskóla Íslands.

I. Breytingar á sameiginlegum reglum Háskólans.

1. gr.

Töluliður 2.1 í upptalningu lærdómstítla í 1. mgr. 54. gr. breytist og verður svohljóðandi: Meistarapróf, Magister artium, Magister scientiarum, Magister paedagogiae, Master of Public Administration, Master of Laws, Master of Social Work, Master of Library and Information Science, Master of Health Informatics, Magister juris og Master of Accounting, M.A./M.S./M.Paed./MPA/LL.M./MSW/MLIS/MHI/Mag.jur./M.Acc., 2 ár að jafnaði að loknu B.A./B.S. eða sambærilegu námi, eða samkvæmt því sem nánar er tilgreint í sérreglum deildar um námið, eða reglum settum af háskólaráði um þverfaglegt nám á meistarastigi.

2. gr.

Önnur málsgrein 65. gr. breytist og verður svohljóðandi:

Við meistarapróf gilda sömu reglur um ákvörðun prófsefnis og mat á úrlausnum sem við fullnaðarpróf. Háskóladeild er heimilt að skipuleggja nám til meistaraprófs í einstökum kennslugreinum samkvæmt nánari ákvæðum í 68. gr. þessara reglna. Í sérstökum tilvikum er deild þó heimilt með samþykki háskólaráðs, að skipuleggja nám til meistaraprófs, án rannsóknatengds lokaverkefnis eða meistaraprófsritgerðar, enda séu gæði námsins tryggð með öðrum hætti þannig að þau séu sambærileg við annað meistaránám í skólanum. Frekari reglur sem deildir kunna að setja um meistaránám skulu staðfestar af háskólaráði.

II. Breytingar á kafla viðskipta- og hagfræðideildar.

3. gr.

Heiti 96. gr. breytist og verður: **Nám í reikningshaldi og endurskoðun.**

Ákvæði 96. gr. breytast og verða svohljóðandi:

Deildin býður upp á meistaránám í reikningshaldi og endurskoðun sem lýkur með prófgráðunni *Master of Accounting*, M.Acc.

Skipan M.Acc.-námsins miðast við þrjú misseri. Námið er 45 einingar hið minnsta. Deildin setur nánari reglur um inntökuskilyrði og námskröfur sem háskólaráð staðfestir.

Þeim nemendum sem hófu grunnnám í deildinni haustið 2004 eða fyrr stendur einnig til boða cand.oecon.-nám með reikningshalds- og endurskoðunarsvið sem kjörsvið.

Skipan cand.oecon.-námsins miðast við fjögur ár eða átta misseri.

Prófgreinar til cand.oecon.-prófs í viðskiptafræði eru rekstrarhagfræði, þjóðhagfræði, reikningshald, stærðfræði, tölfraði, upplýsingatækni, lögfræði, fjármál og aðrar greinar samkvæmt ákvörðun viðskiptaskorar, alls 120 einingar.

III. Breytingar á kafla hugvísindadeildar.

4. gr.

Eftirfarandi breytingar verða á 1. mgr. 101. gr.:

1. Við upptalningu á kennslugreinum til B.A.-prófs bætist: Listfræði.
2. Við upptalningu kennslugreina til M.Paed.-prófs bætist: Heimspeki.
3. Við upptalningu kennslugreina til M.A.-prófs bætist: Íslensk miðaldafræði (Medieval Icelandic Studies).

5. gr.

Eftirfarandi breytingar verða á 105. gr.:

1. Fyrsti málslíður 3. mgr. breytist og verður svohljóðandi: Til M.A.-prófs er að jafnaði krafist 60 eininga.
2. Við 4. mgr. bætist nýr málslíður svohljóðandi: Heimilt er, í þeim reglum, að kveða á um námsleiðir þar sem krafist er minnst 45 eininga til meistaraþrófs. Standi skorir sameiginlega að slíkum námsleiðum er jafnframt heimilt að fela fagraði eða námsstjórn að fara sameiginlega með það hlutverk sem skorinnar annars hafa með höndum.

IV. Breytingar á kafla félagsvísindadeildar.

6. gr.

Eftirfarandi breytingar verða á 114. gr.:

1. Annar málslíður 5. mgr. breytist og verður svohljóðandi: Nám fyrir skólasafnverði er skipulagt sem eins árs viðbótarnám.
2. Annar málslíður 7. mgr. fellur brott.
3. Í stað einingafjöldans „30“ í lokamálslíð 5. mgr. kemur: 15.
4. Ennfremur bætast við 114. gr., sbr. 7. gr. reglna nr. 362/2004, fimm nýjar málsgreinar, sem verða 17. – 21. mgr., svohljóðandi:

M.A.-nám í alþjóðasamskiptum er 60 eininga hagnýtt og fræðilegt nám sem hefur að markmiði að þjálfa nemendur fyrir vinnumarkaðinn og vinnu að rannsóknum á hinum ýmsu sviðum alþjóðasamskipta.

M.A.-nám í fötlunarfræði er 60 eininga rannsóknarnám eða 45 eininga starfstengt rannsóknarnám að loknu B.A.-prófi eða sambærilegu háskólaprófi. Markmið námsins er að fötlunarfræðingar fái viðamikla fræðilega og hagnýta þekkingu á málefnum fatlaðra og öðlist færni í rannsóknar- og þróunarstörfum á því sviði.

M.A.-nám í kennslufræði er 60 eininga nám að loknu B.A.-prófi eða sambærilegu háskólaprófi. Einnig er unnt að ljúka 60 eininga námi sem veitir jafnframt kennsluréttindi. Markmiðið með náminu er að veita bæði fræðilega og hagnýta þekkingu og efla rannsóknir í kennarastarfinu, kennslu og skólastarfi almennt.

M.A.-nám í kynjafræði er 60 eininga nám. Markmið námsins er að veita nemendum fræðilega, hagnýta og aðferðafræðilega þekkingu til að takast á við kynjafræðileg viðfangsefni, jafnframt því að undirbúa þá undir rannsóknir í greininni.

M.A.-nám í þróunarfræðum er 60 eininga nám og er ætlað að veita nemendum fræðilega, hagnýta og aðferðafræðilega þekkingu til að takast á við verkefni á sviði þróunarmála, jafnframt því að búa þá undir rannsóknarvinnu.

5. Núverandi 17. – 19. mgr. verða 22. – 24. mgr.

6. Aftan við 24. mgr. að gerðum þessum breytingum koma sex nýjar málsgreinar sem verða 25. – 30. mgr. svohljóðandi:

Diplómanám í uppeldis- og menntunarfræði er sjálfstætt 15 eininga nám að loknu B.A.-prófi eða sambærilegu háskólaprófi. Nám þetta er hægt að fá metið inn í meistaranám í uppeldis- og menntunarfræði.

Diplómanám í alþjóðasamskiptum er sjálfstætt 15 eininga nám að loknu B.A.-prófi eða sambærilegu háskólaprófi. Nám þetta er hægt að fá metið inn í meistaranám í alþjóðasamskiptum.

Diplómanám í fötlunarfræði er sjálfstætt 15 eininga nám að loknu B.A.-prófi eða sambærilegu háskólaprófi. Nám þetta er hægt að fá metið inn í meistaranám í fötlunarfræði.

Diplómanám í kennslufræði er sjálfstætt 30 eininga nám til kennsluréttinda sbr. lög nr. 86/1998, um lögverndun á starfsheiti og starfsréttindum grunnskólakennara, framhaldsskólakennara og skólastjóra, að loknu B.A.-prófi eða sambærilegu háskólaprófi. Þá er unnt að ljúka 15 eininga diplómanámi til kennsluréttinda sbr. lög nr. 86/1998 um embættisgengi framhaldsskólakennara enda hafi fólk lokið að minnsta kosti B.A.- eða B.S.-gráðu auk 30 eininga framhaldsnámi á sama sviði með fullgildum lokaprófum. Nám þetta er hægt að fá metið inn í meistaranám í kennslufræði.

Diplómanám í kynjafræði er sjálfstætt 15 eininga nám að loknu B.A.-prófi eða sambærilegu háskólaprófi. Nám þetta er hægt að fá metið inn í meistaranám í kynjafræði.

Diplómanám í þróunarfræðum er sjálfstætt 15 eininga nám að loknu B.A.-prófi eða sambærilegu háskólaprófi. Nám þetta er hægt að fá metið inn í meistaranám í þróunarfræðum.

7. Núverandi 20. – 21. mgr. verða 31. – 32. mgr.

V. Breytingar á kafla raunvísindadeildar.

7. gr.

Eftirfarandi breytingar verða á 117. gr.:

1. Ákvæði í 1. mgr. um nám til áfangaprófs (fyrrihlutaprófa) í eðlisverkfræði og efnaverkfræði í upptalningu kennslugreina, falla brott.
2. Heitið „matvælafræðiskor“ í upptalningu skora í 2. mgr. breytist og verður: matvæla- og næringarfræðiskor.

8. gr.

Aftan við 117. gr. reglnanna kemur ný grein, 117. gr. a., með heitið: **M.Paed.-nám** og svohljóðandi ákvæði:

Raunvísindadeild skipuleggur nám til M.Paed.-prófs í kennslugreinum innan deildarinnar, sbr. 6. mgr. 117. gr. Náminu er ætlað að veita undirbúning fyrir kennslu í þessum greinum í framhaldsskólum og leiða til kennsluréttinda á því skólastigi.

Reglur um rannsóknánám í raunvísindadeild gilda ekki um nám til M.Paed.-prófs.

Til að ljúka M.Paed.-prófi frá raunvísindadeild þarf 45 einingar til viðbótar B.S.-prófi, 30 einingar í raunvísindadeild og 15 einingar í félagsvísindadeild. Í félagsvísindadeild tekur nemandi námskeið samkvæmt ákvörðun félagsvísindadeildar sem birt er í kennsluskrá. Nemandi lýkur lokaverkefni í raunvísindadeild og nemur það 5-30 einingum samkvæmt nánari ákvörðun skorar. Að öðru leyti tekur nemandinn námskeið í raunvísindum til 30 eininga.

Lokaverkefni getur verið ritgerð á afmörkuðu sviði í viðkomandi fræðigrein eða verkefni sem tengist beint kennslu, annarri fræðslu eða skólastarfi.

Við inntöku í nám til meistaraþrófs fyrir kennara samkvæmt þessum reglum, er að jafnaði krafist B.S.-prófs í viðkomandi grein eða skyldum greinum. Nemendur með annan und-

irbúning geta einnig sótt um aðgang að náminu ef skorin telur undirbúning nægilegan og fellst á námsáætlun.

VI. Breytingar á kafla lyfjafræðideildar.

9. gr.

Upptalning á kennslugreinum í lyfjafræðideild í 1. mgr. 121. gr. breytist og verður svohljóðandi:

Til B.S.-prófs í lyfjafræði.

Til M.S.-prófs í lyfjafræði (M.S.-próf í lyfjafræði er jafngilt cand.pharm.-prófi, embættisprófi í lyfjafræði).

Til M.S.-prófs í lyfjavísindum á fræðasviðum þar sem nauðsynleg aðstaða er fyrir hendi. Deildin setur nánari reglur um nám til meistaraþrófs í lyfjavísindum sem háskólaráð staðfestir.

Til doktorsprófs í lyfjavísindum á fræðasviðum þar sem nauðsynleg aðstaða er fyrir hendi. Deildin setur nánari reglur um nám til doktorsprófs sem háskólaráð staðfestir.

10. gr.

Eftirfarandi breytingar verða á 122. gr. reglnanna:

1. Önnur málsgrein breytist og verður svohljóðandi:

Námskeið skal meta til eininga og telst fullt nám að jafnaði vera 30 einingar á námsári. Nám til B.S.-prófs er 90 einingar og framhaldsnám til meistaraþrófs í lyfjafræði 63 einingar. Skal miðað við að vægi námskeiðs í heildareinkunn samsvari einingafjölda þess.

2. Þriðja málsgrein breytist og verður svohljóðandi:

Kennsla í hverju námskeiði skal miðuð við að hún spanni öll aðalatriði námsgreinarinnar áður en stúdent gengst undir próf. Stúdent skal hafa lokið B.S.-prófi í lyfjafræði eigi síðar en fimm árum eftir innritun hans í B.S.-nám við lyfjafræðideild.

11. gr.

Fyrsta málsgrein 123. gr. breytist og verður svohljóðandi: Þeir sem lokið hafa stúdentsprófi af bóknámsbraut í íslenskum skóla, sem hefur heimild til þess að brautskrá stúdenta, geta hafið nám í lyfjafræði.

12. gr.

Í stað 1. – 5. mgr. 124. gr. koma fimm nýjar málsgreinar svohljóðandi:

Í lyfjafræðideild er veitt kennsla til B.S.-prófs í lyfjafræði. Deildin setur nánari reglur um námsskipan í B.S.-námi.

Stúdent skal hafa lokið B.S.-prófi í lyfjafræði frá lyfjafræðideild Háskóla Íslands áður en hann hefur framhaldsnám til meistaraþrófs í lyfjafræði. Lyfjafræðideild getur heimilað að stúdent, sem lokið hefur sambærilegu prófi, hefji framhaldsnám við deildina til meistaraþrófs í lyfjafræði.

Til meistaraþrófs í lyfjafræði skal kennslu hagað þannig, að ljúka megi því á tveimur árum eftir B.S.-próf. Meistaraþrófi skal ljúka eigi síðar en þremur árum eftir að stúdent innritaðist í meistaranámið. Undanþágu má veita frá þessum tímamörkum vegna veikinda eða annarra svipaðra vítaleysisástæðna.

Lyfjafræðideild getur veitt kennslu og þjálfun til meistaraþrófs í lyfjavísindum á fræðasviðum að afloknu B.S.-prófi eða öðru háskólaprófi sem deildin telur að feli í sér viðeigandi undirbúning til námsins.

Um meistaranám í lyfjávísindum gilda sérstakar reglur sem deildin setur og háskólaráð staðfestir.

13. gr.

Ákvæði 125. gr. breytast og verða svohljóðandi:

Um starfsþjálfun stúdenta í meistaranámi í lyfjafræði fer eftir reglum sem deildin setur.

Sá sem lokið hefur meistaraþrófi í lyfjafræði (jafngildi cand.pharm.-prófs) og starfsþjálfun getur sótt um starfsleyfi lyfjafræðings, enda fullnægi hann kröfum 3. gr. laga um lyfjafræðinga nr. 35/1978, með áorðnum breytingum.

VII. Gildistöku- og bráðabirgðaákvæði.

14. gr.

Aftan við lokamálsgrein ákvæða til bráðabirgða í reglunum kemur ný málsgrein svohljóðandi:

Breytt skipan lyfjafræðináms skv. XIX. kafla reglna þessara tekur gildi við upphaf haustmíssis 2005 og verður ákvæðum 121. - 125. gr. beitt um stúdenta sem innrita sig til grunnnáms við lyfjafræðideild háskólaárið 2005-2006 og síðar. Eldri reglur gilda um stúdenta sem fyrr hafa innritast en kennsla fer þó ekki fram í einstökum greinum að hætti eldri reglna lengur en sem nemur reglulegri framvindu náms.

15. gr.

Ákvæði reglna þessara, sem háskólaráð hefur sett á grundvelli laga um Háskóla Íslands nr. 41/1999, og tillagna háskóladeilda, öðlast þegar gildi.

Háskóla Íslands, 16. maí 2005.

Páll Skúlason.

Þórður Kristinsson.

GJALDSKRÁ

fyrir gatnagerðargjald á Seltjarnarnesi.

1. gr.

Almenn heimild.

Af öllum nýbyggingum, svo og stækkunum eldri húsa, hvort sem er á eignarlóðum eða leigulóðum á Seltjarnarnesi, skal greiða gatnagerðargjald til bæjarsjóðs samkvæmt gjaldskrá þessari. Um gatnagerðargjald fer að öðru leyti eftir lögum um gatnagerðargjald nr. 17/1996 og reglugerð um gatnagerðargjald nr. 543/1996.

2. gr.

Ráðstöfun gatnagerðargjalds.

Gatnagerðargjaldi skal varið til gatnagerðar á Seltjarnarnesi. Undir það fellur kostnaður við umferðarmannvirki með tilheyrandi lögnum fráveitu og vatnsveitu, ásamt götulýsingu, lagningu bundins slitlags, gangstéttum, umferðareyjum, gangstígum, opnum svæðum og leik-